



Confederación Intersindical Galega

ACTA DE CONSTITUCIÓN DA SECCIÓN SINDICAL DA CIG NA DEPUTACIÓN PROVINCIAL DE OURENSE

En Ourense, a día 28 de Abril de 2014, sendo ás 21.00 horas, reúnense os que asinan en anexo, en cualidade de afiliados da Confederación Intersindical Galega e traballadores da Deputación Provincial de Ourense, xunto cos representantes da CIG que subscriben esta Acta e actúan como Presidente e Secretario da Asemblea, pra tratar os seguinte temas.

- * Constitución da Sección Sindical da CIG no ámbito da Deputación Provincial de Ourense.
- * Elección do Delegado Sindical da CIG no ámbito da Deputación Provincial de Ourense.
- * Solicitude de integración e participación da sección sindical nas negociacións abertas entre a Presidencia da Deputación e o Comité de Empresa pro traspaso do persoal do servizo intermunicipal de recollida RSU a unha empresa mixta.
- * Solicitude de convocatoria da Comisión de Negociación fixada para o traspaso do persoal do servizo intermunicipal de recollida RSU a unha empresa mixta.
- * Propostas a realizar pola Sección Sindical da CIG no proceso negociador
- * Solicitude de Convocatoria dunha reunión do Comité de Empresa, para a integración do Delegado Sindical da CIG en tal órgano de representación unitaria.

* Constitución da Sección Sindical da CIG no ámbito da Deputación Provincial de Ourense.

Os presentes, por unanimidade, acordan a constitución da sección sindical da CIG no ámbito do persoal laboral da Deputación de Ourense, ficando integrada polos traballadores da Deputación que asinan en documento anexo.

Asemade, acórdase a comunicación de tal decisión á Deputación Provincial de Ourense, ao Comité de Empresa, á Consellaría de Traballo e á Federación de Administración Pública da CIG.

* Elección do Delegado Sindical da CIG no ámbito da Deputación Provincial de Ourense.

Os presentes, por unanimidade, acordan elixir como Delegado Sindical da CIG na Deputación de Ourense ao compañeiro Francisco Xabier Alonso Graña, que acepta o cargo.

Asemade, acórdase a comunicación de tal decisión á Deputación Provincial de Ourense, ao Comité de Empresa, á Consellaría de Traballo e á Federación de Administración Pública da CIG.



Confederación Intersindical Galega

* Solicitud de integración e participación da sección sindical nas negociacións abertas entre a Presidencia da Deputación e o Comité de Empresa pro traspaso do persoal do servizo intermunicipal de recollida RSU a unha empresa mixta.

Os presentes, por unanimidade, acordan solicitar, por medio da CIG, a integración e participación da sección sindical da CIG nas negociacións abertas entre a Deputación e o Comité de Empresa pro traspaso do persoal do servizo intermunicipal de recollida RSU a unha empresa mixta, con carácter urgente e antes de que esta se conclúan.

* Solicitud de convocatoria da Comisión de Negociación fixada para o traspaso do persoal do servizo intermunicipal de recollida RSU a unha empresa mixta.

Os presentes, por unanimidade, acordan solicitar, por medio da CIG, a convocatoria da Comisión de Negociación fixada para o traspaso do persoal do servizo intermunicipal de recollida RSU a unha empresa mixta.

* Propostas a realizar pola Sección Sindical da CIG no proceso negociador

Os presentes, por unanimidade, acordan trasladar, por medio da CIG, á Deputación Provincial as seguintes propostas negociadoras, ao redor do proceso de traspaso do persoal do servizo intermunicipal de recollida RSU a unha empresa mixta.

I.- Cuestións Xerais:

a) O artigo 51 do Convenio Colectivo, en relación cos artigos 33 e 34 do EBEP establece que serán obxecto de negociación na Mesa Xeral, entre outras, as seguintes materias:

II) As referidas ao calendario laboral, horarios, xornadas, vacacións, permisos, mobilidade funcional e xeográfica, así como os criterios xerais sobre a planificación estratéxica dos recursos humanos, naqueles aspectos que afecten as condicións e traballo dos empregados/as públicos provinciais.

É preciso aclarar, malia a negativa da Presidencia a convocar á Mesa Xeral, se o ámbito no que se está a desenvolver a negociación é o correcto ou, pola contra, o ámbito axeitado é o da Mesa Xeral.

b) A negociación que se está a levar a cabo, pra sucesión de empresa, conta cuns requisitos procedimentais, no que atinxe a período de consultas, notificación individual aos traballadores/as, prazo pra execución da medida que discrepan, por exemplo, co prazo conferido aos traballadores/as fixos da entidade (30/04/14) pra exercer a opción prevista na Proposta da Presidencia.

II.- Cuestións Específicas

a) Análise do dereito á subrogación nos propios entes locais, do persoal transferido á Deputación por concellos e entidades mancomunadas, en función dos pactos alcanzados no seu momento; así como afectación deste dereito de subrogación pola transferencia proposta á entidade mixta.



Confederación Intersindical Galega

b) Análise do dereito do persoal transferido pola Mancomunidade de Concellos da Limia a debater as cuestións que lle afectan no marco da Comisión de Seguimento pactada coa Deputación Provincial, antes da súa transferencia.

c) Proposta relativa a estender as garantías dadas ao persoal laboral fixo, para o caso de despedimento na empresa mixta, ao persoal laboral indefinido da Deputación.

d) Proposta de completar as garantías dadas ao persoal laboral, para o caso de despedimento obxectivo ou improcedente, aos supostos de: despedimentos ou extincións, individuais ou colectivas, por calquera causa, que sexan consideradas, pactadas ou declaradas improcedentes, xustificadas por causas obxectivas, forza maior ou outras e inxustificadas en xeral,

e) Proposta de incluír o dereito ao reingreso na Deputación do persoal laboral, para o suposto de extinción, suspensión ou desistimento da concesión por parte da empresa mixta.

f) Proposta de completar a garantía de aplicabilidade do Convenio Colectivo ao persoal da empresa mixta, non só durante a vixencia do actual, senón dos novos convenios que se poidan subscribir tras a caducidade do que está en vigor.

* Solicitud de Convocatoria dunha reunión do Comité de Empresa, para a integración do Delegado Sindical da CIG en tal órgano de representación unitaria.

Os presentes, por unanimidade, acordan solicitar, por medio da CIG, a convocatoria do Comité de Empresa para tratar o traspaso do persoal do servizo intermunicipal de recollida RSU a unha empresa mixta.

E non tendo outros asuntos que tratar levántase a sesión sendo as 22 horas.


Asdo. Francisco Xavier Rodríguez Cerdeiro
Presidente da Asemblea




Manoel Anxo García Torres
Secretario da Asemblea.